

# **Pravila zaštite podataka**

Zadnja izmjena i datum stupanja na snagu : 22. maj 2018.

## **Uvod**

Kompanija Molson Coors Brewing Company cijeni i poštuje privatnost svakog pojedinca. Želimo da znate kako prikupljamo, koristimo, prenosimo, otkrivamo i pohranjujemo vaše podatke.

Ova Pravila zaštite privatnosti opisuju naše prakse povezane s Podacima (definirani u Odjeljku 3) koje prikupljamo s naših web lokacija, stranica društvenih medija i promotivnih stranica koje kontroliramo, stranica o uređajima i mobilnim telefonima i aplikacijama, naših programa nagrađivanja, blogova, interaktivnih aplikacija, e-pošte i tekstualnih poruka (SMS i MMS) koje vam šaljemo te drugih interaktivnih funkcija (pojedinačno „Web lokacija“, zajedno „Web lokacije“) putem naših mrežnih oglasa na web lokacijama trećih strana te putem dobavljača/izvora od kojih dobijamo podatke.

Podatke prikupljene u skladu s ovim Pravilima zaštite privatnosti može koristiti kompanija Molson Coors Brewing Company i njene podružnice, uključujući kompanije MillerCoors LLC, Molson Coors Canada, operativne kompanije Molson Coors Europe i Molson Coors International te njihove podružnice, partnerska društva i partnerski brendovi, agenti, pouzdani dobavljači/pružatelji usluga i korporativna partnerska društva koja djeluju u naše ime (pod zajedničkim nazivom „Molson Coors“) na način opisan u ovom dokumentu. Kad u ovim Pravilima zaštite privatnosti upotrebljavam pojmove „mi“, „naš“ i „naše“ mislimo na kompaniju Molson Coors (kako je ranije definirano). Za potrebe važećeg zakona o zaštiti podataka i privatnosti, pravni subjekt Molson Coors kojemu podnesete svoje podatke i/ili koji rukuje web lokacijom putem koje komunicirate s nama, bit će kontrolor obrade ličnih podataka (definirano u nastavku) koje smo od vas prikupili na web lokacijama.

Pozivamo vas da u potpunosti pročitate Pravila zaštite privatnosti kako biste se upoznali s našom praksom.

## **Pravila**

1) Ova Pravila zaštite privatnosti primjenjuju se na podatke koje dobijemo od pojedinaca koji komuniciraju s nama i našim Web lokacijama, proizvodima i uslugama. Ne primjenjuje se na podatke koje dobivamo u našem svojstvu kao poslodavac. Ne trebate pružiti podatke kada komunicirate s našim Web lokacijama; međutim, ako odaberete da to ne želite, možda nećete imati pristup određenim funkcijama Web lokacija i drugim uslugama. Za više informacija o tome kako će kompanija Molson Coors obrađivati vaše podatke kada se prijavljujete za posao kod nas, pogledajte našu zasebnu obavijest o poštenoj obradi koja se može pronaći *ovdje* .

### **2) PRISTUP OGRANIČEN NA OSOBE KOJE PREMA ZAKONU SMIJU KONZUMIRATI ALKOHOL**

**WEB LOKACIJE KOMPANIJE MOLSON COORS I PRISTUP SVIM OGLASNIM I MARKETINŠKIM PODACIMA NAMIJENJENI SU SAMO OSOBAMA KOJE SMIJU KONZUMIRATI ALKOHOL NA TEMELJU ZAKONODAVSTVA U SKLOPU KOJEG SE PRISTUPA ILI PREGLEDA TAKAV SADRŽAJ. MORAT ĆETE POTVRDITI SVOJ DATUM ROĐENJA PRIJE PRISTUPA ILI INTERAKCIJE S WEB LOKACIJOM. ZAHTJEVI ZA PROVJERU DOBI MOGU SE NALAZITI I UNUTAR WEB LOKACIJE.**

**SVJESNO NE PRIKUPLJAMO PODATKE OD OSOBA KOJE PREMA ZAKONU NE SMIJU KONZUMIRATI ALKOHOL I OD TIH POJEDINACA ZAHTIJEVAMO DA NAM NE PRUŽAJU PODATKE (DEFINIRANO U NASTAVKU) ILI NE PRISTUPAJU NAŠIM WEB LOKACIJAMA. AKO STE ISPOD ZAKONSKE DOBI U KOJOJ SMIJETE KONZUMIRATI ALKOHOL PREMA VAŠEM ZAKONODAVSTVU I PRISTUPILI STE NAŠOJ WEB LOKACIJI PRUŽANJEM LAŽNOG DATUMA ROĐENJA, MORATE ODMAH NAPUSITITI WEB LOKACIJU. AKO VJERUJETE DA NAM JE NETKO ISPOD ZAKONSKE DOBI U KOJOJ SMIJE KONZUMIRATI ALKOHOL PRUŽIO PODATKE DAVANJEM PRISTUPA KOJIM SE KRŠE PRIMJENJIVA OGRANIČENJA PRISTUPU OVOJ WEB LOKACIJI, ODMAH NAM SE OBRATITE I TI ĆE PODACI BITI UKLONJENI.**

### **3) PRIKUPLJANJE, UPOTREBA I OTKRIVANJE PODATAKA**

A. Vrste podataka: Kompanija Molson Coors prikuplja dvije vrste podataka (zajednički „Podaci“):

i. „Lični podaci“ su podaci o pojedincu čiji se identitet može utvrditi kako je definirano važećim zakonom.

Ti podaci se obično prikupljaju kada registrirate račun, naručite robu, prijavite se za promociju, komunicirate s nama na društvenim medijima, kontaktirate korisničku službu ili šaljete upite na web lokacijama.

Primjeri ličnih podataka:

- podaci za kontakt (npr. ime i prezime, kućna ili fizička adresa, adresa e-pošte, broj telefona i broj mobilnog telefona);
- podaci o naplati i dostavi (npr. broj kreditne/debitne kartice, datum isteka, CVV kod, adrese za naplatu i dostavu te podaci za kontakt);
- korisničko ime i lozinke koje se upotrebljavaju za pristup web lokacijama, uključujući provjeru putem platformi društvenih medija;
- podaci o računu na društvenim medijima (npr. korisničko ime i lozinke, profilne slike i ostale slike koje učinite dostupnima kao što je sadržaj koji je stvorio korisnik);

- državni identifikacioni brojevi (koji, ako boravite u SAD-u, mogu uključivati broj socijalnog osiguranja (u ograničenim okolnostima, na primjer ako osvojite na lutriji ili primite naknadu koja se mora prijaviti na državnim poreznim obrascima)); i
- ostale lične podatke ako su potrebni ili pruženi dobrovoljno.
- ii. „Ostali podaci” su podaci prikupljeni s web lokacija, interneta i izvora trećih strana kojima se ne može posebno utvrditi identitet pojedinca. Primjeri ostalih podataka obično uključuju:
  - demografske podatke uključujući datum rođenja, spol, interese, državu, poštanski broj, vremensku zonu, zemlju i jezik, kad se time ne može utvrditi identitet određenog pojedinca;
  - preferencije, kupovne navike i ostale podatke o stilu života, uključujući popis želja proizvoda, historiju naručivanja, marketinške preferencije i informacije o mobilnom operateru;
  - upite za pretraživanje;
  - podatke o upotrebi aplikacije;
  - lokaciju datoteke zapisnika servera, pružaoca internetskih usluga, identifikatora mobilnih ili drugih uređaja (npr. UDID i MEID), agente korisnika ili IP adresu;
  - podatke prikupljene putem kolačića, oznaka, piksela, praznih piksela, pratilica i drugih sličnih tehnologija;
  - podatke o geografskoj lokaciji kao što su vaša tačna ili približna lokacija;
  - web lokacije s preporukama i izlazne web lokacije / URL-ove (uključujući klikove na URL i pikselne oznake);
  - podatke o pretraživaču i uređaju (uključujući platformu i verziju);
  - ostale agregirane ili anonimne podatke.

U nekim zakonodavstvima određeni Ostali podaci mogu se smatrati Ličnim podacima. Kada se podaci prema lokalnom zakonu smatraju ličnim podacima, mi te podatke tretiramo kao takve i osiguravamo da je naše postupanje s takvim ličnim podacima u skladu sa svim važećim zakonima o privatnosti i zaštiti podataka.

Slično, ako kombiniramo ostale podatke s ličnim podacima, s dobivenim podacima ćemo postupati kao s ličnim podacima sve dok su oni kombinirani.

Ako je dozvoljeno važećim zakonom, svi lični podaci mogu se kombinirati s bilo kojim ostalim podacima koje nam pružite putem drugih kanala koji su javno dostupni ili koje možemo dobiti na neki drugi način, uključujući od trećih strana.

**B. Kako možemo prikupljati podatke:** Kompanija Molson Coors može prikupljati podatke:

- **od Vas** (npr. podaci kao što su datum rođenja, spol, hobiji i interesi, potrošačke navike, poštanski broj i vaši preferirani načini komunikacije kad ga pružite dobrovoljno);
- **s naših web lokacija i aplikacija** (npr. kad kupite proizvod na web lokaciji za e-trgovinu ili odlučite da primete promotivnu e-poštu);
- **izvan mreže** (npr. upiti korisničkoj službi, lutrije);
- **putem mrežnih tehnologija praćenja uključujući praćenje s različitih uređaja** (npr. zapisnici datoteka usluge, IP adresa, kolačići, oznake, pikseli, prazni pikseli, pratilice i druge slične tehnologije, od kojih neke kompaniji Molson Coors ili našim pružaocima usluga omogućuju utvrđivanje vašeg identiteta i prikupljanje podataka o vama s različitih uređaja i web lokacija);
- **putem upotrebe mobilnih uređaja** (tj. podaci dobiveni s naše aplikacije za mobilne telefone kao što su geografska dužina i širina vašeg uređaja ili lokacijske mogućnosti vašeg uređaja (npr., GPS, Wi-Fi, bluetooth signal, pratilice, čipovi LED rasvjete ili druge slične tehnologije)) te aplikacije i usluge trećih strana za plaćanje putem mobilnih telefona.
- **putem vašeg pretraživača ili uređaja** (npr. određeni podaci, uključujući vrstu vašeg računara, naziv i verziju operativnog sistema, IP adresu, adresu pristupa mediju za prijenos podataka (MAC), jezik, vrstu i verziju internetskog pretraživača te pružaoca usluga koje većina pretraživača automatski prikuplja);
- **pomoću analitike web lokacije i funkcija oglašavanja** (npr. usluge Google Analytics, Google Analytics Demographics, Interest Reporting, tehnologije programa Adobe Flash, uključujući bez ograničenja usluge Adobe Flash Local Stored Objects, Quantcast)
- **iz drugih izvora** (npr. javne baze podataka, zajednički marketinški partneri, platforme društvenih medija, od osoba s kojima ste povezani na platformama društvenih medija, javnim forumima te od ostalih trećih strana).

**C. Kako možemo koristiti podatke:** U mjeri dozvoljenoj važećim zakonom, kompanija Molson Coors može upotrebljavati vaše podatke kako bismo:

- Vam slali administrativne podatke, na primjer podatke o web lokacijama i promjenama naših uslova, odredbi i pravila.
  - *Možda nećete moći odustati od primanja takvih komunikacija zato što bi takvi podaci mogli biti važni za vašu upotrebu web lokacija;*
- Upravljali vašim računom na bilo kojoj od naših web lokacija, uključujući programe nagrađivanja, lutrije i takmičenja u kojima učestvujete, uključujući dobivanje obavijesti o rezultatima.
  - *Imajte na umu da neke promocije imaju dodatna pravila koja bi mogla sadržavati dodatne informacije o upotrebi i otkrivanju vaših podataka ;*
- Vam slali marketinške komunikacije i informacije o ažuriranjima u kompaniji Molson Coors koje ste odlučili primati, uključujući informacije o novim proizvodima, događanjima i promocijama (npr. putem e-pošte, prosljeđenih obavijesti, SMS i MMS poruka);
- Dostavljali prilagođene ili ciljane oglase na osnovu podataka koje smo dobili na osnovu vaše upotrebe naših web lokacija i oglašavanja, podataka koje smo dobili od trećih strana ili kombinacijom tih izvora, uključujući prošle kupovine ili interese;

- Vam slali transakcijske poruke e-pošte o kupovinama na našim web lokacijama, uključujući potvrde narudžbe i poruke e-pošte o ostavljenim korpama;
- Ispunili vaše narudžbe i obradili vaše transakcije/uplate;
- Pružili podršku kupcima i odgovarali na vaše upite te ispunili vaše zahtjeve;
- Dozvolili vam da se uključite ili objavljujete na našim stranicama društvenih medija i blogovima i svim drugim sličnim platformama na koje se odlučite uključiti s nama i ostalim potrošačima. *Imajte na umu da će podaci koje objavite ili otkrijete na tim platformama postati javni podaci i bit će dostupni posjetiocima web lokacija i općoj javnosti;*
- Dozvolili vam da šaljete poruke prijatelju (samo onima koji prema zakonu smiju konzumirati alkohol) putem web lokacija. Upotrebom ove funkcionalnosti potvrđujete da imate pravo upotrebljavati i pružati podatke za kontakt vašeg prijatelja.
- Povodili marketinška istraživanja i analize te u druge poslovne svrhe, uključujući bez ograničenja revizije, razvijanje novih proizvoda, poboljšavanje naše komunikacije s vama i našim web lokacijama, procjene djelotvornosti naše kupovine medija, prepoznavanje trendova i obrasce prometa/preuzimanja te dijagnosticiranje problema;
- Personalizirali vaše iskustvo na našim web lokacijama, uključujući prikazivanje sadržaja koji se temelji na vašoj lokaciji, prošlim kupovinama, interesima, kao i podatke prikupljene na različitim uređajima i web lokacijama;
- Unaprijedili i poboljšali naše proizvode, usluge, sadržaj, oglašavanje i promocije;
- Bili usklađeni s ili provodili važeće pravne zahtjeve, uključujući usklađenost sa zakonima izvan vaše zemlje boravišta;
- Odgovarali na zahtjeve državnih nadležnih tijela, uključujući one izvan vaše zemlje boravišta; te
- Upotrebljavali vaše podatke u druge svrhe na anonimiziranoj ili agregiranoj bazi, ili
- kako je na drugi način propisano zakonom.

Vaše podatke možemo dijeliti i unutar kompanije Molson Coors na način koji je u skladu s ovim Pravilima zaštite privatnosti. Vaše podatke možemo dijeliti i s trećim stranama kako je opisano u nastavku.

#### **4) TEHNOLOGIJE PRAĆENJA**

A. Kolačići i tehnologije praćenja. Kompanija Molson Coors upotrebljava „kolačiće“, „oznake“, „piksele“, „prazne gif-ove“ i druge slične tehnologije praćenja na našim web lokacijama. Kolačić je tekstualna datoteka koja dolazi na vaš računar ili drugi mobilni uređaj kada pristupite web lokacijama ili internetu. Ove tehnologije omogućavaju kompaniji Molson Coors prikupljanje podataka o vašoj interakciji s našim web lokacijama i oglasima. Primjeri takvih podataka mogu uključivati, ali nisu ograničeni na: demografske podatke, vrstu pretraživača, IP adresu, pregledane stranice, aktivnost te vrijeme vaše posjete. U bilo koje vrijeme možete „odustati“ od određenih mehanizama praćenja putem postavki vašeg pretraživača. Međutim, onemogućavanjem takvih funkcija možda nećete moći upotrebljavati određene funkcije ili iskoristiti puni potencijal svih naših usluga na našim web lokacijama.

Različite vrste kolačića se na našim web lokacijama upotrebljavaju u različite svrhe i poznati su kao: strogo neophodni kolačići, kolačići izvedbe i kolačići funkcionalnosti. Neke kolačiće može pružiti vanjska treća strana radi pružanja dodatne funkcionalnosti našim web lokacijama i oni su navedeni u nastavku.

##### **Strogo neophodni kolačići**

Ovi kolačići su nužni za izvršenje radnje koju ste zatražili, poput identifikacije vaše prijave. Ako prilagođavanjem postavki vašeg pretraživača onemogućite ove kolačiće, ne možemo garantirati kako će naše web lokacije djelovati tokom vaše posjete.

##### **Kolačići izvedbe**

Ovi kolačići se upotrebljavaju za poboljšavanje naših web lokacija, na primjer za analizu pomoću koje možemo vidjeti kako se naša web lokacija koristi i gdje da napravimo poboljšanja. Ovi kolačići se upotrebljavaju za prikupljanje podataka o načinu na koji posjetioci upotrebljavaju naše web lokacije. Podaci se prikupljaju u anonimnom obliku i uključuju broj posjetilaca, odakle su posjetioci dolazili na web lokacije i stranice koje su posjetili.

##### **Kolačići funkcionalnosti**

Ovi kolačići poboljšavaju izvedbu i funkcionalnost naših web lokacija, često kao rezultat nečega što radite kao korisnik. Na primjer, možemo za vas personalizirati naš sadržaj ili zapamtiti vaše preferencije.

Kompanija Molson Coors, naši pouzdani dobavljači/pružaoци usluga i dopuštene treće strane mogu također oglašavati naše proizvode. Pouzdani dobavljači/pružaoци usluga i dopuštene treće strane nemaju kontrolu nad tehnologijama praćenja koje koriste web lokacije trećih strana. Stoga biste trebali pažljivo pregledati politiku zaštite privatnosti tih web lokacija trećih strana kako biste razumjeli njihove aktivnosti praćenja, ako one postoje.

B. „**Ne prati**“ zahtjevi. Automatski ćemo prikupljati kolačiće i ostale podatke kada posjetite naše web lokacije. Zbog tog automatskog prikupljanja, trenutno ne možemo uzeti u obzir „ne prati“ zahtjeve na pretraživaču. Trenutno učestvujemo u mrežama oglasa trećih strana i upotrebljavamo kolačiće trećih strana kako je ranije navedeno kako bismo pratili vaše posjete različitim web lokacijama.

Informacije o tome kako odustati od prikupljanja podataka preko drugih uređaja za praćenje potražite u odjeljku „Odabir/Odustajanje” u nastavku.

**C. Onemogućavanje kolačića na vašem pretraživaču.** Možete odbiti ili obrisati kolačiće na našim web lokacijama. Pogledajte upute u dijelu Pomoć na vašem pretraživaču kako biste saznali više o kolačićima i ostalim uređajima za praćenje te kako upravljati njihovom upotrebom. Ako odaberete da odbijete ili obrišete kolačiće, neke funkcije naših web lokacija mogu biti narušene. Ako upotrebljavate drugi računar ili mijenjate pretraživače, morat ćete ponoviti postupak odbijanja ili brisanja kolačića. Više informacija o kolačićima, uključujući kako postaviti internetski pretraživač za odbijanje ili brisanje kolačića potražite na web lokaciji [www.allaboutcookies.org](http://www.allaboutcookies.org).

**D. Praćenje oglasa.** Određeni uređaji mogu vam dozvoliti ograničenje praćenja oglasa. Pogledajte postavke na vašem računaru ili uređaju kako biste vidjeli o tome kako onemogućiti praćenje oglasa.

## **5) TRANSAKCIJE**

U nekim slučajevima možemo koristiti uslugu plaćanja treće strane za obradu kupovina izvršenih putem web lokacija, uključujući, ali ne ograničavajući se na web lokacije za rezervacije i web lokacije e-trgovine/trgovine za internetsku maloprodaju. U takvim slučajevima, vaše podatke može prikupljati ta treća strana, a ne mi, i one će podlijegati pravilima zaštite privatnosti te treće strane, a ne ovim Pravilima zaštite privatnosti. Nemamo kontrolu nad, niti smo odgovorni za takvu upotrebu treće strane ili otkrivanje vaših podataka.

## **6) DIJELJENJE VAŠIH PODATAKA/OTKRIVANJE TREĆIM STRANAMA**

Kompanija Molson Coors može povremeno staviti na raspolaganje određene podatke trećim stranama (npr. pouzdanim dobavljačima i pružaocima) i unutar naše grupe društava/brendova. Dijelit ćemo vaše podatke samo s tim trećim stranama i povezanim subjektima na načine opisane u ovim Pravilima zaštite privatnosti. Kompanija Molson Coors ili osobe koje nam pomažu u našim poslovnim aktivnostima ovlaštene su da upotrebljavaju vaše prethodno spomenute podatke **samo** onoliko koliko je potrebno za pružanje tih usluga ili kako je opisano u nastavku. Ako želite odustati od toga da se vaši podaci dijele s trećim stranama u primjenjivim okolnostima (na primjer, kad se vaši lični podaci upotrebljavaju u marketinške/promotivne svrhe), obratite nam se na način opisan u nastavku pod „Upiti o privatnosti”.

Na primjer, kompanija Molson Coors može dijeliti primjenjive podatke koje prikuplja o vama u sljedećim slučajevima:

- s našim pouzdanim dobavljačima/pružaocima usluga radi procjene i poboljšanja naših marketinških i promotivnih napora, sadržaja, proizvoda i usluga, radi boljeg razumijevanja interesa i preferencija potrošača, radi pružanja relevantnih informacija te radi provođenja zajedničkih marketinških programa;
- s našim pouzdanim dobavljačima usluga koji nam pomažu u poslovnim aktivnostima (npr. u obradi transakcija kreditnim karticama, upravljanju lutrijama i takmičenjima, dostavljanju vaše narudžbe, pomaganju u radnjama web lokacije, pružanju korisničke službe i slanju komunikacija putem poruka e-pošte);
- s našim pouzdanim dobavljačima/pružaocima usluga koji djeluju u naše ime i koji nemaju neovisno pravo da upotrebljavaju podatke kojima imaju pristup ili koje im otkrijemo;
- u vezi s korporacijskim promjenama uključujući spajanje, preuzimanje ili prodaju imovine;
- u vezi s promocijama, na primjer trećim stranama koje su sponzori promocije, pružanjem popisa imena i podataka za kontakt trećoj strani ili na drugi način u skladu s pravilima koja se primjenjuju na promociju;
- partnerima treće strane s kojima možemo sklopiti odnos (npr. zajedničke marketinške kampanje, sportska udruženja). Ovisno o svrhama takvog dijeljenja, kompanija Molson Coors može vam pružiti mogućnost odlučivanja da li će se ti podaci moći dijeliti prije dijeljenja s tim partnerom. Naknadna upotreba podataka od strane partnera treće strane bit će uređena njihovim praksama i politikama zaštite privatnosti;
- ako je propisano zakonom, zajedno sa državnim upitom ili radi usklađivanja sa sudskim pozivom ili sličnim pravim postupkom;
- kad u dobroj vjeri smatramo da je otkrivanje potrebno radi zaštite vaših prava, sigurnosti ili sigurnosti drugih, radi istraživanja prevare ili odgovora na zahtjev države; i
- bilo kojoj trećoj strani s vašim prethodnim službenim dopuštenjem.

## **7) USLUGE KOJE SE TEMELJE NA LOKACIJI**

Kompanija Molson Coors može prikupljati fizičku lokaciju vašeg uređaja pomoću, na primjer, satelita, GPS-a, odašiljača za mobilni signal, pratilica ili wi-fi signala. Možemo upotrebljavati fizičku lokaciju vašeg uređaja kako bismo vam pružili personalizirane usluge i sadržaj koji se temelji na lokaciji, uključujući oglašavanje. Također možemo dijeliti fizičku lokaciju vašeg uređaja u kombinaciji s podacima o oglasima koje ste pregledali i ostalim podacima koje prikupljamo s našim marketinškim partnerima kako bismo im omogućili da vam pruže personaliziraniji sadržaj, uključujući oglašavanje te radi ispitivanja djelotvornosti reklamnih kampanja. U nekim slučajevima vam može biti dozvoljeno da omogućite ili odbijete takve upotrebe i/ili dijeljenje lokacije vašeg uređaja, ali ako odlučite odbiti takve upotrebe i/ili dijeljenje, mi i/ili naši marketinški partneri možda nećemo moći pružiti primjenjive personalizirane usluge i sadržaj. Ako nam date dopuštenje, ti podaci o lokaciji se prikupljaju anonimno na način da se ne može utvrditi vaš identitet. Na primjer, kad preuzmete web lokaciju kompanije Molson Coors (uključujući aplikaciju za mobilni telefon) na svoj uređaj, možete imati priliku da navedete da biste htjeli dijeliti svoju lokaciju.

Informacije o odbijanju usluga koje se temelje na lokaciji potražite u odjeljku Postavke u postavkama vašeg uređaja.

## **8) SIGURNOST I POHRANA PODATAKA**

Sigurnost, integritet i povjerljivost vaših podataka izuzetno su nam važni. Kompanija Molson Coors upotrebljava administrativnu, tehničku i fizičku sigurnost kako bi zaštitila podatke koje održavamo kako bismo osigurali da se upotrebljavaju u skladu s ovim Pravilima zaštite privatnosti. Imajte na umu da, unatoč našim najboljim naporima, nijedna sigurnosna mjera nije savršena ili neprobojna. Ako imate razloga da vjerujete da vaši lični podaci nisu sigurni, odmah nam se obratite u skladu s Odjeljkom **15** u nastavku.

Kada objavljujete na platformama društvenih mreža ili drugim javnim platformama, podaci koje dijelite vidljivi su drugim korisnicima i oni ih mogu pročitati, prikupljati ili upotrebljavati. Kompanija Molson Coors ne snosi odgovornost za podatke koje dobrovoljno podijelite ili podnesete na tim platformama. Na primjer, ako navedete svoje ime, dob i adresu na web lokaciji društvenog medija, ti podaci su javni.

Pohranit ćemo vaše lične podatke onoliko dugo koliko je razumno potrebno za potrebe za koje su prikupljeni, na primjer kad se od nas to traži u skladu sa zakonskim, regulatornim, poreznim ili računovodstvenim zahtjevima.

U određenim okolnostima možemo pohranjivati vaše lične podatke na duže razdoblje kako bismo mogli imati tačan zapis vašeg odnosa s nama u slučaju pritužbi ili izazova, ili ako vjerujemo da postoji mogućnost parnice u vezi s vašim ličnim podacima ili komunikacijama.

## **9) MEĐUNARODNI KORISNICI**

Podaci koje nam pružite ili koji su prikupljeni, mogu se prenijeti ili im mogu pristupiti subjekti širom svijeta koji podliježu praksama opisanim u ovim Pravilima zaštite privatnosti. Kompanija Molson Coors, kao globalna kompanija s lokalnim podružnicama ili partnerskim društvima, u skladu je sa svim važećim lokalnim i državnim zakonima u pogledu prikupljanja, upotrebe i otkrivanja vaših podataka.

Više informacija o načinu na koji prenosimo lične podatke u skladu sa specifičnim zakonodavstvom EU o privatnosti podataka potražite u odjeljku Dodatne informacije za stanovnike EU u nastavku.

## **10) DRUŠTVENE MREŽE/ZAJEDNICE NA MREŽI**

Na određenim web lokacijama možemo vam omogućiti pristup zajednicama na mreži za dijeljenje podataka kao što su poruke, fotografije i video zapisi. Te podatke možete dijeliti samo s osobama kojima je prema zakonu dozvoljena konzumacija alkohola na temelju zakonodavstva iz kojeg pristupate takvoj web lokaciji. Možemo vam omogućiti i objavljivanje sadržaja s nekih web lokacija na vaš profil na drugim društvenim mrežama. Imajte na umu da će se pravila zaštite privatnosti web lokacija društvene mreže primjenjivati na bilo koji sadržaj koji objavite na ili pružite toj web lokaciji. Osim toga, kad objavite ili dijelite sadržaj ili komunikacije s naših web lokacija s bilo kojom društvenom mrežom treće strane također nam dozvoljavate da dijelimo podatke s tom društvenom mrežom treće strane.

Ne možemo kontrolirati politike ili uslove tih društvenih mreža treće strane. Na primjer, dijeljenje takvih podataka s Facebookom od nas može zahtijevati provođenje kolačića i/ili API-ja kako bismo olakšali komunikaciju između naših web lokacija i Facebooka. Ti podaci koji se dijele putem kolačića i/ili API-ja zatim podliježu Facebookovim Pravilima o upotrebi podataka koje možete pronaći ovdje [https://www.facebook.com/full\\_data\\_use\\_policy](https://www.facebook.com/full_data_use_policy). Kao rezultat, ne možemo snositi odgovornost ako društvena mreža treće strane koju upotrebljavate na vlastitu odgovornost, na bilo koji način upotrebljava vaše podatke ili sadržaj.

## **11) LINKOVI KA WEB LOKACIJAMA**

Naše web lokacije mogu sadržavati veze na web lokacije treće strane ili aplikacije koje ne kontrolira kompanija Molson Coors ili koja nisu obuhvaćena ovim Pravilima zaštite privatnosti. Ako podnesete podatke na bilo koju od tih web lokacija, na vaše podatke se primjenjuju njihove politike zaštite privatnosti. Potičemo vas da pažljivo pročitate pravila zaštite privatnosti bilo koje web lokacije ili aplikacije koju posjetite. Nemamo kontrolu ili autoritet nad web lokacijama treće strane i ne snosimo odgovornost za podatke koje možete podnijeti na toj web lokaciji.

Imajte na umu da, ako nam pružite podatke putem web lokacije društvenog medija ili učestvujete na web lokaciji društvenog medija povezanog s našim web lokacijama, pristajete na to da upotrebljavamo vaše podatke kao da su podneseni direktno nama putem web lokacije.

## **12) DODATNE INFORMACIJE**

Naše web lokacije mogu uključivati interaktivne programe koji pružaju specifične usluge druge kompanije, kao što su oznake „sviđa mi se“ ili dijeljenje sadržaja, koji se često nazivaju widgeti. Možete imati mogućnost podnijeti podatke kao što je vaša adresa e-pošte, za potrebe prikupljanja putem widgeta. Widget može upotrebljavati kolačiće i/ili prikupljati podatke o upotrebi. Podaci koje prikuplja widget uređeni su na temelju pravila zaštite privatnosti kompanije koja ga je kreirala.

### **13) UPITI O PRIVATNOSTI, ISPRAVLJANJE VAŠIH PODATAKA I ODABIR/ODUSTAJANJE**

#### **A. Upiti o privatnosti**

U slučaju bilo kakvih pitanja ili komentara u vezi s ovim Pravilima zaštite privatnosti ili ako biste htjeli pregledati, ažurirati, ispraviti ili ukloniti lične podatke iz naše evidencije, obratite nam se koristeći podatke navedene u nastavku. Kada primimo vaš zahtjev za uklanjanjem, uklonit ćemo vaše lične podatke iz naših evidencija osim ako nemamo poseban pravni zahtjev za zadržavanjem vaših ličnih podataka. Međutim, osim u slučaju kada je otkrivanje propisano zakonom, možemo odlučiti da ne dodijelimo pristup ili da napravimo promjene kada teret troška davanja pristupa ne bi bio proporcionalan rizicima za privatnost pojedinca u bilo kojem slučaju, ili onda kada bi se takvom dodjelom pristupa kršila prava drugih.

Molson Coors Brewing Company  
1801 California Street, Suite 4600  
Denver CO 80202 SAD  
E-pošta: [dataprotection@molsoncoors.com](mailto:dataprotection@molsoncoors.com)

Imajte na umu da komunikacije putem e-pošte nisu uvijek sigurne; u poruke e-pošte koje nam šaljete nemojte uključiti osjetljive podatke, uključujući broj kreditne kartice.

Bilo koja zatražena brisanja ili promjene možda neće odmah stupiti na snagu. Nastojat ćemo odgovoriti na vaš zahtjev što je prije moguće.

Za stanovnike Kalifornije (kako to zahtijeva zakon države Kalifornija), da biste dobili popis vaših ličnih podataka koje je kompanija Molson Coors otkrila trećim stranama za potrebe direktnog marketinga u prošloj kalendarskoj godini, pošaljite pisani i potpisani zahtjev kompaniji Molson Coors putem pošte na adresu koja je navedena iznad.

Više informacija o načinu na koji osiguravamo usklađenost s važećim zakonodavstvom EU o privatnosti i zaštiti podataka potražite u odjeljku „Dodatne informacije za stanovnike EU” u nastavku.

#### **B. Ažuriranja putem e-pošte**

Ako želite da se vaša adresa e-pošte ukloni iz naše evidencije, slijedite upute o prestanku pretplate koje se nalaze u porukama e-pošte koje od nas dobivate ili slijedite postupak koji je naveden u pododjeljku A u tekstu iznad.

#### **C. Ažuriranja putem mobilnog marketinga (SMS i MMS)**

Ako odlučite da se pridružite popisu za mobilni marketing, imajte na umu na moguće troškove slanja poruka i podataka povezane s primanjem SMS (tekstualnih) ili MMS (multimedijskih) poruka. Oni će varirati na temelju vašeg bežičnog operatera i plana. Trebali biste sa svojim mobilnim operaterom provjeriti koje se naplate primjenjuju prije prijave na primanje ažuriranja putem vašeg mobilnog uređaja. Ako želite da prestanete primati poruke na vaš mobilni uređaj, odgovorite na poruku sa „STOP” (ili drugu poruku ako je primjenjivo). Također se možete obratiti svom mobilnom operateru za dodatne informacije o primanju ili prestanku primanja poruka na mobilni telefon.

#### **D. Lokacijske usluge**

Ako ste na svom računaru ili mobilnom uređaju prethodno uključili mogućnost da nam šalje podatke o lokaciji, možete odustati od daljeg omogućavanja pristupa takvim podacima promjenom postavki na vašem računaru ili

#### **E. Proslijeđene obavijesti**

Ako želite da onemogućite proslijeđene obavijesti na svom mobilnom uređaju pogledajte Postavke na mobilnom uređaju.

#### **F. Analitika trećih strana**

i. Google Analytics: Za više informacija o tome kako odustati od naše upotrebe usluge Google Analytics i naše upotrebe njegovih funkcija oglašavanja posjetite <https://tools.google.com/dlpage/gaoptout> i <http://www.google.com/safetycenter/tools/#manage-your-ads-preferences>,

ii. Quantcast: Za više informacija o usluzi Quantcast ili o tome kako odustati od upotrebe te usluge posjetite njihovu web lokaciju <https://www.quantcast.com/opt-out>.

iii. Stranica za odustajanje Saveza za digitalno oglašavanje (DAA): Korisnici mogu odustati od dodatnog praćenja i ciljanog oglašavanja, uključujući usluge Google Analytics i Quantcast na stranicama za odustajanje Saveza za digitalno oglašavanje (DAA) i Inicijative mreženog oglašavanja (Networking Advertising Initiatives, NAI) na web lokacijama <http://www.aboutads.info/choices/> i <http://www.networkadvertising.org/choices/>.

## **14) DODATNE INFORMACIJE ZA STANOVNIKE EU**

### **A. Pravna osnova za obradu**

Sva obrada (tj. upotreba) vaših ličnih podataka temelji se na jednom od brojnih pravnih uslova. Općenito, to su:

- i.** vaš pristanak (na primjer, za stavljanje kolačića koji obrađuju vaše lične podatke ili za potrebe marketinga naših partnera treće strane);
- ii.** učinkovitost vašeg kontakta s nama (npr. kako bismo obradili vašu uplatu ili informacije o dostavi kako bismo ispunili vašu narudžbu);
- iii.** usklađenost sa zakonskom obavezom (npr. kad se od nas traži otkrivanje podataka sudu ili nadležnom poreznom tijelu); i
- iv.** naši legitimni interesi, pod uslovom da oni ne krše vaša temeljna prava i slobode (npr. u slučaju kada provodimo vlastiti direktni marketing postojećim pretplatnicima što podliježe vašem pravu da u bilo kojem trenutku odustanete).

### **B. Prava stanovnika EU-a**

Kao stanovnik EU-a, koji podliježe važećem zakonu, možete imati neka ili sva sljedeća prava u pogledu vaših ličnih podataka:

- i.** da dobijete kopiju svojih ličnih podataka zajedno s informacijama o načinu na koji se ti lični podaci obrađuju;
- ii.** da ispravite netačne lične podatke (uključujući pravo na dopunu nepotpunih ličnih podataka);
- iii.** da obrišete svoje lične podatke (u ograničenim okolnostima, kad više nisu potrebni za svrhe u koje su prikupljeni ili obrađeni);
- iv.** da ograničite obradu vaših ličnih podataka kada:
  - a.** je sporna tačnost ličnih podataka;
  - b.** je obrađivanje nezakonito, ali ulažete prigovor na brisanje ličnih podataka;
  - c.** nam više ne trebaju vaši lični podaci, ali su i dalje potrebni za utvrđivanje, izvršavanje ili odbranu pravnog zahtjeva;
- v.** da osporite obradu koju smo opravdali na temelju legitimnog interesa (umjesto na temelju vašeg pristanka ili kako bismo sklopili ugovor s vama);
- vi.** da nas spriječite da vam šaljemo direktan marketing;
- vii.** da povučete svoj pristanak za naše obrađivanje vaših ličnih podataka (kad se obrada temelji na vašem pristanku);
- viii.** da uložite prigovor na odluke koje se temelje isključivo na automatskoj obradi ili izradi profila; i
- ix.** da dobijete ili vidite kopiju odgovarajućih sigurnosnih mjera prema kojima se vaši lični podaci prenose trećim zemljama ili međunarodnoj organizaciji.

Osim gore navedenog, imate pravo da podnesete žalbu svom lokalnom nadzornom nadležnom tijelu (na primjer, ICO u Ujedinjenom Kraljevstvu).

U pogledu ovih prava nam se možete obratiti pomoću pojedinosti iz odjeljka 13. Imajte na umu da možemo zahtijevati dokaz o identitetu i da zadržavamo pravo na naplatu naknade kad je to dozvoljeno zakonom, na primjer ako je vaš zahtjev neutemeljeni ili pretjeran. Nastojat ćemo da odgovorimo na vaše zahtjeve unutar svih primjenjivih vremenskih okvira.

### **C. Međunarodni prijenosi za stanovnike EU-a**

Trebate biti svjesni da smo mi kompanija sa sjedištem u SAD-u i vaši lični podaci rutinski će se prenositi i pohranjivati u Sjedinjenim Američkim Državama radi obrade.

U pogledu internih prijenosa i upotrebe partnerskih društava, pružalaca usluga ili dobavljača, ako se lični podaci prenose izvan Evropskog ekonomskog prostora („EEP”), poduzet ćemo korake kako bismo osigurali da podaci dobiju jednak nivo zaštite kao da su ostali unutar EEP-a, uključujući sklapanje dogovora oko prijenosa podataka pomoću standardnih ugovornih klauzula koje je odobrila Evropska komisija, ili pomoću oslanjanja na programe certificiranja, kao što je Sistem zaštite privatnosti između EU-a i SAD-a. Možete imati pravo na pojedinosti o mehanizmima prema kojima se vaši podaci prenose izvan EEP-a.

## **15) PROMJENE OVIH PRAVILA ZAŠTITE PRIVATNOSTI**

Vaša upotreba web lokacija i kontinuirana upotreba web lokacija nakon promjena ovih Pravila zaštite privatnosti znače da se slažete s uslovima i odredbama ovih Pravila zaštite privatnosti. Ako se ne slažete s uslovima ovih Pravila zaštite privatnosti, nemojte upotrebljavati ovu web lokaciju ili nam pružati podatke.

Povremeno možemo ažurirati ova Pravila zaštite privatnosti objavljivanjem dodataka ili izmjena na ovoj stranici pa vas potičemo da povremeno pregledate ova Pravila zaštite privatnosti.

Kako bismo vam pomogli da budete u toku s bilo kojim promjenama poduzimamo sljedeća dva koraka: (i) u tekstu iznad navodimo datum zadnjeg ažuriranja Pravila zaštite privatnosti; (ii) nakon što napravimo materijalnu promjenu Pravila zaštite privatnosti, objavljujemo obavijest o takvim promjenama na početnoj stranici ove web lokacije pored veze na ova Pravila zaštite privatnosti ili šaljemo poruku e-

pošte svim korisnicima čije lične podatke posjeduje kompanija Molson Coors (ili odgovarajuća poslovna jedinica). Vaša upotreba bilo koje web lokacije nakon objave bilo koje revidirane verzije Pravila zaštite privatnosti smatra se prihvatanjem revidiranih pravila pa vam preporučujemo da povremeno pregledate ova Pravila zaštite privatnosti.